

乏絕積怨至相攻擊而樓蘭姑師小國耳

徐廣曰即車師

當空道攻劫漢使王恢等尤甚

徐廣曰恢一作怪

而匈

奴奇兵時時遮擊使西國者使者爭徧言外國

灾害皆有城邑兵弱易擊於是天子以故遣從

驃侯破奴將屬國騎及郡兵數萬至匈河水欲

以擊胡胡皆去其明年擊姑師破奴與輕騎七

百餘先至虜樓蘭王遂破姑師因舉兵威以困

烏孫大宛之屬蜀還封破奴為浞野侯

徐廣曰元封三年

王

恢

徐廣曰為中郎將

數使為樓蘭所苦言曰天子天子發兵

令恢佐破奴擊破之封恢為浩侯

徐廣曰捕得車師王元封四年